

اسلام گنجینہ

مدیر: حلیم ثابت

۱۱ جمادی الآخرہ ۱۳۳۲

۲۴ تیسان ۱۳۳۰

صفحہ ۷

پیل ۱

تاریخ

سپاهی زاده محمد بن علی

معارفندان قضاتدن ذوقنون بر ذات فضائلهاد اولوب (بروسه) لیدر .
 علی الاصول مملکتی علماسندن تکمیل نسخدن صوکره بعض مذارسده تدریس
 ایله اشتغال ایله یوب (۹۹۲) تاریخنده (بغداد) و (۹۹۷) سنه سنده (ازمیر)
 قاضیقلرنده ایضای وظائف ایله دی . سنه مزبورده (ازمیر) ده ارتحال داربقا
 ایتدی . السنه نثوده انشاد نظم ونثره مقتدر اولدیغه اثار مشوعه سی شاهد
 عادلدر . مؤلفاتی غیر مطبوع اولوب باشلیجه لری بروجہ آتیدر :

۱ — انوذج الفنون : (موضوعات العلوم) طرزنده برجلد اوزره مرتب
 اولوب تفسیر ، حدیث ، کلام ، اصول ، فقه ، فرائض ، معانی ، هیأت طب کبی
 دو قوز علمدن باحدر . بر نسخه سی آیاصوفیه کتبخانه سنده واردر صدراعظم
 سنان پاشایه تقدیم ایدرک مظهر تقدیر وتلطیف اولدی .

۲ — حاشیه شرح تجرید : متن اثر (۶۷۲) ده وفات ایدن علامه
 (نصیر طوسی) نکدر . دقایق علم کلامدن باحث والی باب اوزه مرتب اولان
 بواثر برچوق فضلا طرفلرنندن ده شرح وتحشیه ایدلشددر . خط دستیله محرر
 نسخه سی (نور عثمانی) کتبخانه سنده در .

۳ — حاشیه علی شرح حکمة العین : متن اثر (نصیر طوسی) تلامیذندن
 (کاتب قزوینی) نکدر . بونکده مختلف شرح وحاشیه لری واردر .

۴ — اوضح المسالك الى معرفة البلدان والممالك : اصل بادی اشتهاری
 اولان ولسان عربی اوزره محرر بولنان بواثر ، اساساً (جوغرافیا) به متعلق
 اولوب طرز تحریری حروف هجا اوزرینه مرتب (لغات تاریخیه وجوغرافیا)
 ترتیبده در . باشلیجه ماخذده (ابوالفدا) نک (تقویم البلدان) ی ایله
 (صفی الدین عبدالمؤمن البغدادی) نک (معجم البلدان) دن خلاصه ایتدیکی

(مرصداطلاع) ی در . ختامی اولان (۹۸۰) تاریخده (سلطان مراد ثالث) ه تقدیم ایدیه رک مظهر مکافات اولشدی .

ه — اسمی بلدان : اوضح المسالك اختصار طریقاه لسان عثمانی به نقل اولونان نسخه سیدر . وزیر اعظم (صوقوللو محمد پاشا) به تقدیم ایلمش و بو وزیر قدردان طرفندن ده نائل تلطیفات اولشدرکه بواثر لسانمزده (لغات تاریخیه وجغرافیه اصولنده یازیلان اثارک قدم اعتباریه برنجیسیدر (در سعادت) کتبخانه لرینک اکثرنده نسخهلری واردی .

بروسه لی
محمد طاهر

بویوک براسلام مغول ایمپراطوری

(بابر شاه) مرحوم

هندستانی ضبط و تسخیر ایدن ، اسلام بایراغنی بت پرستلر مملکتده دیکن ، مسلمانلارک شان و آتی کوکاره قدر یوکسلتهن مغول ایمپراطورلرینک طورونلرندن بری ده (بابر شاه) در .

بوقوجه حکمران ، مزایا و سجایای عالییه مالک اولمغله برابر ، عین زمانده یکیت وشجیع ایدی . بابر شاه قلیج و قلمیاه مغول ایمپراطورلرینک خریطه فتوحاتی کنیشاه تمش و هندو — بت پرست — لری کندیسنه ایصیندیرمشیدی . مشارالیه آزمدت ایچنده اولجه ضبط و تصرف ایتدیکی اولکه لره ، ایالتلره هندستانک (کجرات) ، (میسور) ، (اورنگ آباد) ، (تپاله) ممالکنی ده بتشدیردی . بوقاتحک احوال روحیه سی سلفلرینککنه هیچده بکزه میوردی . سلفلری هپ کوچبه لک برحاله یشامغی سووب ترجیح ایتشلرکن ، (بابر) هرا له کچیردیکی یرده یرله شمک ، کوکله شمک طرافداری ایدی .

بوقادارله اکتفا ایتمین بابر شاه هندستانده موجود بولونان بوتون عنصرلرک ، کومه لرک برلشمه لریچون ده چالیشمش و بوکا آزچوق موفق اولمشیدی . بو بویوک ایمپراطور ، انتظامی صوک درجه سور و تقدیر ایتدیکی جهته ، ارکان حکومتیه